


ՈՒՈՐԱԶԱՐԴՈՎ ԽՈՅԱԿՆԵՐԸ ՀԱՅ ՀԱՐՏԱՐԱՊԵՏՈՒԹՅԱՆ ՄԵՋ

Մ. Վ. ԳՐԻԳՈՐՅԱՆ

Միջնադարյան հայ ճարտարապետության կառուցվածքների սյուների վրա հանդիպող խոյակների մեջ կան ուրազարդ ունեցող խոյակներ, որոնք երբեմն նման են հոնիականներին (նկ. 1)։



Նկ. 1. Էրեխթիլոնի խոյակ

Անհրաժեշտ է ընդգծել, որ ուրազարդ ունեցող խոյակները ոչ միայն տարածված էին միջնադարյան հայ ճարտարապետության մեջ, այլև հաճախ բացառիկ ինքնուրույնություն ունեին։ Այլ ժողովուրդների միջնադարյան ճարտարապետության հուշարձաններում դրանց նմաններին մենք չենք հանդիպում։ Այսպես օրինակ՝ Դվինի (նկ. 2) խոյակները (կաթողիկոսի պալատից) և Զվարթնոցի խոյակներն (նկ. 3) իրենց համանմանները չունեն։

Չնայած տարբեր դարաշրջաններում ստեղծված խոյակների նմանությանը, որ հետևանք է ուրազարդի առկայության, նրանք հաճախ տարբերվում են միմյանցից զարդի մանրամասներով և, դիտարկության, գեղարվեստական մեկնարկներով։

Անկասկած, որքան հին է ճարտարապետական հուշարձանը, այնքան ավելի նրա սյուների ուրազարդով խոյակները մոտ են իրենց սկզբնական մտահղացմանը։

Եթե ուշադրություն դարձնենք միջնադարյան հայկական շատ խոյակների (Արուճ, Զրվեժ, Պաղնի և այլն) ուրազարդերի գծի շարժման վրա, ապա նրանք երկրաչափական լեզվով ասած՝ ունեն Արքիմեդի պարույրի դժագրություն կամ, եթե բացատրելու լինենք նմանությամբ՝ կանոնավոր ուրաժ թուփի ձև (նկ. 4ա)։ Իսկ անուիկ սյուների, օրինակ. Գառնիի տաճարի խոյակ-


Արդ, ունենալով ոլորազարդեր, որոնք իրենց շարժումով նման են լողարիթմական պարույրի, այսինքն՝ ունենալով ոլորումից ստացված ծալալի լայնակի կտրվածքի գծագրություն (նկ. 4բ)։ Բայց Գառնիի խոյակների ոլորազարդերը պարույրաձև գալարվում են ոչ միայն մեկ հարթության վրա (ինչպես միջնադարյան շատ այլ խոյակներում), նրանց պարույրի աչքը, կարծես թե ներսից ինչ-որ ճնշման հետևանքով շարժվում է առաջ, դեպի գիտողը (նկ. 5)։



Նկ. 2. Դվինի կաթողիկոսարանի խոյակ



Նկ. 3. Զվարթնոցի խոյակ



Նկ. 4ա և 4բ



Նկ. 5. Գառնիի տաճարի խոյակ

Այսպիսով, խոյակների վրա միջնադարում, հազվագեպ բացառությամբ (Իշխան), իրագործում էին աչքի շուրջը միօրինակ պտույտ ունեցող ոլորազարդ, իսկ Գառնիի տիպի անտիկ տաճարների սյուների վրա դնում էին, պատկերավոր առած, լողարիթմական պարույրով ոլորազարդ, որը երբեմն կարծես թե պտուտակի պես շարժվում է դեպի առաջ։

Լողարիթմական պարույրը մի գիծ է, որ երկրաչափորեն ճշգրիտ լինելով, միաժամանակ կարծես ունի նկարչի ձեռքի ազատ շարժումով դժված զեղեցիկ կորի հատկություն։ Ֆորմուլան և արտիստական նուրբ զգացողությունը արվեստի ստեղծագործություններում հաճախ զուգորդվում են միմյանց։ Պատահական չէ, որ այդպիսի պարույրը, որը բնության մեջ հանդի-

պում է խաղողի որթի բեղիկների, որոշ խխունջների, խոյի եղջյուրների վրա և այլուր, իր անսպասելի գրավչությամբ արժանանում է մեր ուշադրությանը:

Անտիկ նմուշներին նախորդող հունական խոյակները սովորաբար անվանում են նախահունիական: Դասականների համեմատությամբ նրանք փոքր-ինչ պրիմիտիվ են: Բայց, ըստ երևույթի, դեռևս ոլորագարդ ունեցող խոյակների ստեղծման շրջանում բուն ոլորագարդերը ծագել են իրեն էլեմենտներ, որոնք բնության բնօրինակմանը ամենից ավելի են նպաստում:

Ոլորագարդերի նմանողական առանձնահատկության մասին կա Վիտրուվիոսի բացատրությունը. «...խոյակների վրա տեղավորեցին ոլորագարդեր, որոնք զանգրացրած խոպուպների նման կախվում էին աջից և ձախից, նրանց առջևի մասերը զարդարեցին կիմառիներով և պողաշղթաներով, իսկ ողջ բնի վրայով անցկացրին սմուսնացած կնոջ զգեստի ծալքերի նման վայր իջնող ակոսիկներ (կանելյուրներ)»¹:

Տասնհինգ դար անց, մի այլ ճարտարապետ՝ Ալբերտին, իր գրքում գրում է, որ հունացիները խոյակներին ավելացնում էին «ծառի կեղևը, որը երկու կողմերից կախվելով և խոպուպի նման ոլորվելով, ամփոփում էր դավաթի (լիսինա) կողքերը»²: Նման բացատրության համար Ալբերտին որպես հիմք են ծառայել այն ժամանակ յայնորեն ուսումնասիրվող անտիկ աղբյուրները: Բայց ընկած բացատրությունները մինչև վերջ համոզեցուցիչ չեն: Վիտրուվիոսի սուտ դավաթի շուտ հունական օրդերի գեղեցիկ իդեալականացում և նրա կանացի համաչափությունների բնագծում է, մասնավորապես, ոլորագարդով խոյակի իդեալականացում: Իսկ Ալբերտին խոյակի և նրա ոլորագարդի ծագումը կապում է վաղուց ի վեր գոյություն ունեցող այն բացատրության հետ, համաձայն որի ճարտարապետական բոլոր ձևերը ծագել են փայտից կամ փայտե կառուցվածքներից, իսկ ոլորագարդը՝ ծառի կեղևից:

Հունական խոյակների ծագման մասին հին ճարտարապետների այս փաստարկների ինքնատիպությունն ու գեղեցկությունն բնորոշելով հանդերձ, թվում է, թե ավելի հավանական կլինի ենթադրել, որ ոլորագարդ ունեցող խոյակներն սկզբնապես հանդիսացել են խոյի և նրա եղջյուրների բնօրինակություն: Այս է ցույց տալիս և այն հանգամանքը, որ հայերեն «խոյակ» բառը ծագում է «խոյ» (որն ունի պարույրաձև եղջյուրներ) բառից: Այդ պատճառով էլ թեև այժմ այդպես են կոչվում բոլոր տիպերի խոյակները, բայց տառացիորեն այդ անվանումը համապատասխանում է ոլորագարդ ունեցող խոյակին: Բացի այդ, այս բացատրությամբ ղեկավարվելով, հիմք կա ենթադրելու, որ այդ տիպի խոյակները ստեղծվելիս հետապնդվում էր ոչ միայն կոնստրուկտիվ, այլև նմանողական-արտահայտչական նպատակ:

Հնարավոր է, որ այս կապակցությամբ բացատրություն կա հանջեն խոյակի կողային մասերը, որոնց մակերևույթը, ըստ Ալբերտին, ունեն «ծառի կախ ընկած կեղևի ձև»: Բայց մեր կարծիքով դա ավելի շուտ հիշեցնում է ոչ թե ծառի կեղևի մակերես, այլ խոյի՝ բնական վիճակում գտնվող գեղմ:

Կարելի է նշել նաև, որ խոյակների վրա կենդանիների դուխ պատկերելու սովորությունը, դուխություն է ունեցել Արևելքի մյուս երկրներում ևս: Այսպես, Շոշ բաղաբում եղած ապագանի շքեղության գործում էական գեր էին խաղում այն սյուները, որոնք ավարտվում էին երկու սյուրտոնների՝ ոսկեզօծ եղջյուրներ ու ուկանջներ ունեցող ցուլերի ձևով (նկ. 6):

Այսպիսով, կարելի է ենթադրել, որ «խոյակ» իր ստեղծման արշալույսին, պարտադիր կերպով ունեցել է պարույրաձև ոլորագարդեր, որոնք բնօրինակված էին խոյի եղջյուրներից, իսկ այլ ձևի՝ առանց ոլորագարդի խոյակների առաջ գալուց հետո այդ նույն անունը տարածվում է նաև նրանց վրա, պահպանվելով մինչև օրս և նշանակելով առհասարակ խոյակ՝ կապիտել:

Եթե ոլորագարդով խոյակների ծագման մասին վերը շարադրված ենթադրությունը ճիշտ է, ապա հնարավոր է, որ խոյի եղջյուրների սիմվոլացումը Հայաստանում կապված է նրա՝ վաղուց ի վեր զարդացած ոչխարաբուծության երկիր լինելու հանգամանքի հետ: Անհրաժեշտ է նշել, որ պարույրաձև զարդարանդակը հանդիպում է հնագույն ծագում ունեցող բազմաթիվ այլ իրերի վրա: Այսպես, եղջյուրների պարույրաձև պատկերներ կարելի է տեսնել վիշապների բարձրաքանդակների վրա: «Հայասան հայերի բնօրինակ» գրքում Գր. Ղափանցյանը բերում է կրկնակի ոլորագարդի օրինակ կահկարասու շրջանակի մի բեկորի վրա, Ալթին-Թևիեի (Հայաստ) պեղումներից (VIII դ., մ.թ.ա.): Նկարի վրա երևում է, որ ոլորագարդերն այստեղ ունեն լողարիթմական պարույր:

¹ В и т р у в и й, кн. четвертая, § 7, Москва, 1936, էջ 79:

² А л ь б е р т и, кн. седьмая, гл. 6, Москва, էջ 223:



Նկ. 6. Շողի ապագանի սյունը

Բայց «հոնիական ոճ» ասելով հասկացվում է այն ոճը, որն ստեղծվել էր հունական նեղուցների փորրասիական ծովափին գտնվող հին հունական բնակավայրերում: Մինչդեռ հավանական է, որ ոլորազարդով խոյակներ ունեցող շինություններ կարող էին հանդիպել ոչ միայն Փոքր Ասիայի մերձափնյա մասերում, այլև ծովափից շատ ավելի հեռու: Եվ իսկապես, հին հայկական կուլտուրային նվիրված իր աշխատության¹ մեջ Կ. Վ. Տրեվերը բերում է մ.թ.ա. VII դ. վերաբերող այդպիսի մի շինության օրինակ՝ Դաուգուկտարի դամբարանը՝ փորված Կարանդունի (Ֆարս) ժայռի մեջ: Դամբարանն ունի հոնիական ոճի, այսինքն ոլորազարդավոր խոյակներով պսակված չորս սյունանի ճակատ (նկ. 7): Այդ դամբարանը Տրեվերն անվանում է «շատ ավելի հին երևույթ, անտիկ աշխարհից մեզ հասած համանման ձևերի համեմատությամբ»: Իսկապես, փորրասիական ծովափին գտնվող հոնիական ամենավաղ տաճարներից մեկը՝ Արտեմիդի տաճարը Եփեսոսում, պատմությունը վերագրում է մ.թ.ա. VI դարին: Այնուհետև, Կ. Վ. Տրեվերը նշում է, թե այդպիսի խոյակի տիպի տեղական, առաջավոր ասիական բնույթը հաստատվում է նրանով, որ մինչև օրս էլ այն ավանդաբար պահպանվում է տեղական ճարտարապետության մեջ, «որ Հայաստանի լեռնային շրջաններում, ինչպես նաև հին Մարաստանի տերիտորիայում, գյուղացիների տներն ունեն այս տիպի վերարտադրող խոյակներով սյուներ» (նկ. 8): Արդյոք վերը շարադրվածը չի՞ խոսում այն մասին, որ հին հայերը, Փոքր Ասիայի մյուս ժողովուրդների հետ միասին մասնակցել են անտիկ ճարտարապետության այն մասի ստեղծմանը, որի ակունքները ծագել են արևելքում և արտադրվել են դասական ճարտարապետության վերջնականապես ձևավորված տիպերում: «Հոնիացիների» արևելքի ժողովուրդների հետ ունեցած կենդանի հաղորդակցման պայմաններում, — գրում է ճարտարապետության պատմարան Հարտմանը, — նրանք ենթարկվում էին արևելյան արվեստի անմիջական ներգործություններին, որոնք իրենց արտահայտությունն են գտել, գլխավորապես, խարխիսի հատուկ ձևի ստեղծման մեջ... և այնուհետև խոյակներում ոլորազարդեր (խիտոններ, պարույրներ) մտցնելու մեջ, որ հայտնաբերվում է խեթերի և ասորեստանցիների մոտ: Ատտիկական հողի վրա տեղափոխված հոնիական ոճը հաս-

¹ К. В. Тревер. Очерки по истории культуры древней Армении (IV в. до н. э., II в. н. э.), М.—Л., 193.

² Նույն տեղում, էջ 74, 75:

նում է իր ամենակատարյալ արտահայտությանը և միաժամանակ առանձին ճարտարապետական մասերի յուրահատուկ ձևավորմանը¹։



Նկ. 7. Գառուղուկտարի դամբարանի ճակատը

Այս տողերը հիշեցնում են ուրարտական ճարտարապետության խարխիսները (նկ. 9)²։ «Բավական է հայացք ձգել ասիական ճարտարապետական հուշարձանների վրա,— գրում է Օգյուստ Շուազին,— համոզվելու համար, որ հոնիական օրգերը նրանց հետ ընդհանուր աղբյուր ունի։ Հոնիական սյան բոլոր դետալները, նրա ոլորագարդանի խոյակները, ակոսիկները և խարխիսները զարմանալի ճշտությամբ վերարտադրված են Պտերայի խեթական քանդակների վրա. այսինքն Եփեսոսի տաճարի կառուցումից շատ առաջ»³։




Շուազիի այս դիտողությունը հիշեցնում է մեր պատմության հնագույն շրջանում հայերի (հայասների) ու խեթերի հարևանության և կուլտուրական կապերի մասին⁴։ Կարելի է բերել այլ նման վկայություններ ու ենթադրություններ, որոնք հուշում են ոլորագարդավոր խոյակներով սյուներ ունեցող կառուցվածքների ոճի ստեղծման մեջ հնագույն հայերի հնարավոր մասնակցության մասին։ Բերված տվյալներն ու եզրակացություններն առաջին հայացքից կարող են վիճելի թվալ, բանի որ դրանք խախտում են հոնիական օրգերը անպայմանորեն հոնիական հույններին պատկանելու վերաբերյալ արդեն հաստատված տեսակետը։ Սակայն մենք դժվարանում ենք կասկածել «խոյակ» բառի բացատրության վրա, որ տալիս է մեզ աշխարհի հնագույն լեզուներից մեկը՝ հայերենը։ Մենք թիչ տվյալներ ունենք հեռավոր դարերում մեր մշակույթի անցյալը պարզ պատկերացնելու համար։ Բայց այդպիսիք այնուամենայնիվ կան։ Պատկերացնենք ոլորագարդավոր խոյակներ ունեցող ճարտարապետական հուշարձանների համեմատաբար նոսր շղթան հնարավոր համարելով անել որոշ ենթադրություններ։ Հիշենք պարույրաձև ոլորագարդ ունեցող խոյի գլխով վիշապին, այն վիշապներից, որ գտնվել են լեռներում, Գեղարդի հնագույն ջրամբարի մոտ (նկ. 10)։ Բազալտից քանդակված այդ վիշապը եղել է ոչ թե պառկած, ինչպես հիմա է, այլ ջրի մոտ կանգնած, գա մի կոթող է, որ վերջանում է պարույրավոր

¹ Гартман, История архитектуры, Москва, 1936, էջ 42։

² Государственный Музей Грузии.

³ Шуазан, История архитектуры, Москва, 1935, էջ 254։


⁴ Տե՛ս Գ. Ա. Կապանյան, Хайаса—колыбель армян, Ереван, 1948, էջ 101։



Նկ. 8




Նկ. 9. Ուրարտական սյուների
խորխոխներ: ա՝ սկիզբը, ի՝ մի-
ջին մասը, շ՝ վերջը (Արտասա-
նի Վեսաղան թանգարան)



Նկ. 10. Վիշապ (Գեղարդի ջրամբարի մոտից)

Եղջյուրներ ունեցող խոյի գլխով: Իհարկե, սա խոյակ ունեցող հիմնական սյուն չէ, բայց հեռու չէ նրանից: Սա անալոգիա չէ, այլ արդեն մոտենում է իր վրա հատուկ պաճուճանք՝ ոլորագարդ ունեցող սյան զաղափարին: Եթե Գառնիի տաճարը Հայաստանի տերիտորիայի վրա պատահական ճարտարապետական երևույթ չհամարենք, ինչպես անցյալում ապարդյուն ջանում էին անել որոշ ուսումնասիրողներ, ապա պարզ կլինի, որ նրան նախորդել են նման տաճարային կառուցվածքներ, նույնպես ոլորագարդանի խոյակներով: Այդ մասին էթե ուղղակի կերպով, համեմատյալ զեպս բավարար հիմնավորվածությամբ վկայում է Կարանգուրի արդեն հիշատակված քարանձավային դամբարանի ճակատը: Այս դամբարանի սյուների նախահոնիական խոյակներն ունեն այն առանձնահատկություն, որ սրանց ոլորագարդերը իրենց մեծ մասով պառկած են սյան բնի վրա, համարյա այնպես, ինչպես խոյի գլուխը վիշապ-կոթողի բնի վրա: Տարբերությունն այն է, որ վիշապի վրա ոլորագարդը ոչ թե իր մեծ մասով, այլ ամբողջովին է դնում կոթողի կլոր բնի վրա: Այստեղ էլ նմանությունը լիակատար չէ, բայց արդեն կարելի է ենթադրել, որ կոթողի պաճուճանքը սյուների խոյակների վրա օգտագործելու հարցում եղել են անցումներ: Միանգամայն հնարավոր է նաև, որ Գառնիի տաճարի կառուցումից հետո էլ շինվել են ոլորագարդ խոյակներ ունեցող սյուներով տաճարներ: Սակայն դրանք առայժմ մեզ հայտնի չեն:

Միջնադարյան հուշարձաններից հայտնի են Դվինի խոյակը, որ ունի աչրի առանցքի երկայնքով զսպանակի նման ձգվող հատուկ ոլորագարդ, Զվարթնոցի խոյակները, որ ունեն կոմպոզիտային բնույթ և ըստ Արրիմեդի պարույրի զալարվող ոլորագարդեր, սրանցից բացի Արուճի, Պողոսի, Զրվեթի և այլ խոյակները, որոնք նույնպես ունեն Արրիմեդի պարույրի նման փառուցված ոլորագարդեր (նկ. 11):



Նկ. 11. Պողոսի որմնամույթների խոյակները

Այս շարքից հատուկ ուշադրություն է գրավում Դվինի խոյակը (նկ. 2): Այն տարբերվում է մյուսներից նրանով, որ ոլորագարդերի զարգացումը ընթանում է ոչ թե պարույրով, այլ շարվածում է առաջ, ինչպես գլանաձև զսպանակ: Չնայած ոլորագարդերի պարույրաձև շարժման բացակայությանը, այս խոյակը մյուսներից ավելի ցայտուն է ընդօրինակում խոյի եղջյուրները:

Շարադրված դիտողությունները իրավունք են տալիս բավարար հավանականությամբ առելու, որ ոլորագարդով խոյակները կիրառվել են Հայաստանում անհիշելի ժամանակներից ի վեր: Դա եղել է սյուների պաճուճավորման սիրված ձև ժողովրդական ստեղծագործության մեջ: Պետք է ասել, որ միջնադարում այդ թեման, ինչպես տեսնում ենք, կիրառվել է ամենաբազմա-

զան և սրամիտ ձևերով: Սկզբում ոլորազարդվել, որպես խոյի եղջյուրների ուղղակի ընդօրինակություն — մոտ է եղել լոգարիթմական պարույրին և միայն հետագայում, հատկապես միջնադարում, երբ նրա նմանողական առանձնահատկությունն սկսեց ոճավորվել և տարբերակվել, քարի վրա ոլորազարդերն սկսեցին փոքրել գլխավորապես բոլոր Լեռքիմեդի պարույրի (Զվարթնոց, Գազկաշեն և այլն):

Ոլորազարդով խոյակի հետաքրքիր, բայց բարդ տարատեսակներից է Զվարթնոցի տաճարի ներսի կիսաշրջանաձև կամարաշարքի խոյակը: Իհսրկե, այստեղ, ի տարբերություն Դվինի խոյակի, առկա է բացարձակ շեղում խոյի գլուխը և նրա եղջյուրները վերարտադրելուց: Այս խոյակի կոմպոզիցիան հիշեցնում է Վիտրուվիոսի պատմած Կալլիմարոսի կողմից կորնթական խոյակը հնարելու մասին: Զվարթնոցի խոյակի վրա մենք իսկապես տեսնում ենք Վիտրուվիոսի հիշատակած այն զամբյուղը, որը կորնթական խոյակի վրա շկա:

Ինչպես որ կոմպոզիցիան խոյակը հանդիսանում է ածանցյալ հոնիականից և կորնթականից, այնպես էլ Զվարթնոցին՝ խոյաափայ խոյակի (կապիտել) ածանցումներից մեկն է:

Հայերի ճարտարապետական ստեղծագործության բարձր մակարդակը, հատկապես հելլենիստական շրջանում, անհնար կլիներ առանց զարգացած գիտության, առանց զանազան գիտությունների և հատկապես երկրաչափության վրա հիմնված վարպետության: «Տարածության գիտություն» իմանալը անհրաժեշտ էր ճարտարապետին, որը կոչված էր ստեղծագործելու կարկինի, լարի և հատիչի օգնությամբ:

Հիշելով հին մարդկանց ակնածանքը երկրաչափական դիտելիքների նկատմամբ, ուկամաթվում է, թե ոլորազարդի պարույրները նրանք պատկերացնում էին իբրև շարժվող մի բան: Այստեղ առկա է այդ շարժումը մի ծայրից (այսինքն այնպես, ինչպես աճում են բնականում խոյի եղջյուրները) վերարտադրելու երկրաչափական ճշգրտությունը: Գառնիի տաճարի խիստ կշռադատված լինելու մասին կարելի է դատել թեկուզ միայն նրա խոյակներից, շարժում արտահայտող նրանց ոլորազարդերից:

Այն հանգամանքը, թե ինչպիսի խնամքով է ստեղծված տաճարը, առաջ է բերում ակնածանք այն կառուցող վարպետների՝ ժամանակի իսկապես իմաստուն ճարտարապետների նկատմամբ:

О КАПИТЕЛЯХ С ВОЛЮТАМИ В АРМЯНСКОЙ АРХИТЕКТУРЕ

М. В. ГРИГОРЯН

(Резюме)

В статье сделана попытка рассмотрения происхождения формы капителей с волютами в армянской архитектуре. На многих капителях с волютами средневековой архитектуры завиток вполнот однообразным вращением вокруг глазка идет по спирали Архимеда (Звартноц, Птгни). Капители же Гарнийского храма имеют волюты, близкие по движению к пульсирующей логарифмической спирали. Здесь видна геометрическая тщательность передачи движения с одного конца, примерно так, как растут рога барана. На подражание капители с волютами голове барана указывает армянское название капители — «хойак», происходящее от слова «хой», которое означает баран. Отсюда можно допустить, что «хойак» на заре своего зарождения имел обязательный элемент волюты. Прямое подражание голове барана со спиральными рогами можно обнаружить на вишапе — стелле, находящейся близ Гегарда (рис. № 10). Протоионические капители колон Карангунской гробницы имеют волюты, лежащие большей своей частью на стволе колонны, т. е. примерно так, как находится голова барана со спиральными рогами на стволе вишапа (рис. 7). Поэтому можно предположить, что был преемственный путь использования венчания стеллы для капителей колон.

Свидетельства ученых об истоках происхождения ионического стиля на Востоке от искусства хеттов, ассирийцев, повторение в течение многих веков капителей с волютами на монументальных зданиях и в армянском народном жилье, из которых некоторые прямо подражают голове барана (Двин, рис. 2), приводит к возможному допущению, что «хойак» есть подражание голове барана и что древние армяне вместе с другими народами Малой Азии являлись участниками создания той части классической архитектуры, истоки которой возникли на Востоке.